



**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

7. Quomodo B. V. puerpera eosdem resignationis actus internos elicuerit.

[urn:nbn:de:hbz:466:1-60091](#)

exercitio circa obiecta obedientia, pa-
tientia, submissionis, seu reverentia
occultorum iudiciorum Dei.

VII.

*Quomodo B.V. puerpera eosdem re-
signationis actus internos eli-
cuerit.*

I. **E**xpende simili ratione, quomodo
B.V. Mater Deo, ut carne, sic &
spiritu coniunctissima, eosdem tres pre-
cipios resignationis actus, quos a pri-
mo rationis diluculo familiares sibi ha-
buerat, in conceptu Filij, ac deinceps
sublimius intenderat, nunc felicissima
puerpera multò adhuc eminentius fre-
quentarit coram intuens, totiesque pe-
ctori apprimens tām viuum absolutissi-
mæ resignationis exemplar: idque tan-
tò purius, intensius, constantius, insa-
tiabilius, 1. quanto profundius causas,
cur diuinæ in omnibus acquiescendum
sit voluntati, præ omnibus puris clea-
turis, in hac vita, penetrabat. 2. quo in-
tensius non solum Deum, sed quicquid
insuper ipsi placeret, super omnia pro-
pter ipsum diligebat. 3. quo minus ab
inordinato amore proprij iudicij, pro-
priæ voluntatis, ac sensualitatis, à quo

lon.

longissimè aberat, in hoc resignationis exercitio prepediebatur, & quò magis præsidio obedientiæ, humilitatis, patientiæ, fiduciaæ, charitatis, aliarumque virtutum, quarum habitus tot eximijs actibus eminentissimè intenderat, in eodem exercitio adiuuabatur. Hos absolutissimos B. V. actus expensos, suscipe, & similes elice.

I I. Quam ardenter optarit, se hos affectus omnibus elapsæ vitæ momentis, crebrius, purius, intensius, solidius insatiabilius excusisse: quam doluerit de tanta ingratorum & proteruorum hominum cæcitatem, socordia, temeritate, quæ iudicium proprium, & voluntatem suam diuinæ sapientiæ & voluntati proponere, inscrutabilia Dei iudicia, decreta opera iudicare, carpere, conculcare, non verentur: & quidem tanto intensius, quanto perspicacius tam graves hac proteruia diuinæ Maiestati illatas iniurias agnoscebat, & firmius apprehendebat: quantoque zelosius eiusdem infinitam sanctitatem, iustitiam, potentiam, sapientiam, bonitatem in omnibus iudicijs & operibus suis ab omnibus agnosci, suspici, amari & glorificari cupiebat. Ethos expensos affectus admirare, & imitare.

H

III. Quam

III. Quàm efficacia conceperit proposita hos resignationis affectus omni meliori possibili modo reliqua vita frequetare, & opere ipso declarare in quibusuis obiectis obedientiæ, patientiæ, submissionis, quantumvis arduis, purissimè propter Dei amorem & beneplacitum; intensissimè, quoad conatus intellectus, voluntatis & exterioris cooperationis, constantissimè, tempore prosperitatis & aduersitatis; insatiabilissimè, quoad heroica desideria omni possibili perfectione ad nutum diuinæ voluntatis se conformandi in tempore & æternitate: idque ob causas i. puncto allatas. Zelus æmulandi hanc absolutissimam voluntatis nostræ cum diuina conformitatem.

4. Heb-

dom.

Post E.

Epiphani.

I.

Dominica IV. Post Epiphaniam
De sedata mari tempestate. Matt 8.

I. Dormiente Christo aborta est in mari vehemens tempestas. Ut ab origine mundi tam nauis uniuersalis Ecclesiæ electorum filiorum Dei, quam naucula particularis cuiusque electi-

tanus